

**Պատմության օլիմպիադայի մարզային փուլ (2025-2026 ուստարի)  
11-12-րդ դասարան (տևողությունը՝ 120 րոպե)**

*Ընտրովի պատասխանով հարցեր (յուրաքանչյուր ճիշտ պատասխան 0,5 միավոր), ճիշտ պատասխանը վերցրե՛ք օղակի մեջ*

1. Ե՞րբ է Սմբատ Արծրունին Աղթամարի Սուրբ Խաչ եկեղեցում օծվել հայոց թագավոր:  
1) 1441 թ.                      2) 1456 թ.                      3) 1476 թ.                      4) 1465 թ.
2. Նշվածներից ո՞վ է եղել XII դարի նշանավոր բժիշկ, «Ջերմանց մխիթարությունը» աշխատության հեղինակը:  
1) Վահրամ Բաբունի                      2) Մխիթար Հերացի  
3) Հովհաննես Երզնկացի                      4) Ամիրդովլաթ Ամասիացի
3. Որտե՞ղ է նահատակվել Հայաստանի ազգային հերոս Թաթուլ Կրպեյանը:  
1) Մարտունաշեն    2) Քարինտակ    3) Գետաշեն    4) Մարտակերտ
4. Քանի՞ զինվոր զոհվեց թուրքական բանակից Հալիձորի 1727 թ. ճակատամարտում:  
1) 13 հզ                      2) 15 հզ                      3) 17 հզ                      4) 20 հզ
5. «Որոգայթ փառաց» գրքում ինչպե՞ս էր կոչվելու Հայոց ապագա պետության բարձրագույն օրենսդիր մարմինը:  
1) Հայաստանի խորհուրդ    2) Հայոց տուն    3) Ազգային ժողով    4) Ազգային տուն
6. Ե՞րբ է Հովսեփ Էմինը մեկնել Սանկտ Պետերբուրգ:  
1) 1761 թ.                      2) 1764 թ.                      3) 1766 թ.                      4) 1770 թ.
7. Նշվածներից ո՞վ է եղել ԽՍՀՄ հերոս, օդաչու, ով հետմահու արժանացել է կրկնակի հերոսի կոչման:  
1) Հովհաննես Բաղրամյան                      3) Նելսոն Ստեփանյան  
2) Հունան Ավետիսյան                      4) Գևորգ Վարդանյան
8. Ո՞ր թվականին Իռլանդիային տրվեց դոմինիոնի կարգավիճակ:  
1) 1919 թ.                      2) 1921 թ.                      3) 1923 թ.                      4) 1925 թ.
9. Իրանական ո՞ր գորավարը 1736 թ. գահընկեց արեց վերջին Սեֆյան գահակալին և հռչակվեց շահ:  
1) Իսմայիլ                      2) Աբաս                      3) Նադիր                      4) Թահմասպ
10. Չինաստանի ո՞ր քաղաքում Սուն Յաթսենի գլխավորությամբ ստեղծվեց հեղափոխական նոր կառավարություն:  
1) Պեկին                      2) Շենժեն                      3) Շանյան                      4) Նանկին

*Կարճ պատասխանով առաջադրանքներ*

**11. Ընտրե՛ք ճիշտ պնդումները** (յուրաքանչյուր ճիշտ պատասխան՝ 0,5 միավոր, ընդհանուր 1,5 միավոր):

- ա) Կատրամիդե թագուհին Ձորագետի հովտում հիմնեց Սանահինի և Հաղպատի նշանավոր վանքերը, որոնք տնտեսապես հզորացան և շուտով ընդարձակ կալվածքների տեր դարձան:
- բ) Լևոն II-ը 1198 թ. հունվարի 6-ին Տաթևի քաղաքի մայր տաճարում Գրիգոր Զ Ապիրատ կաթողիկոսի կողմից մեծ հանդիսավորությամբ օծվեց հայոց թագավոր:
- գ) Հովհան Օձնեցու գրչին է պատկանում թոնդրակյանների վարդապետության դեմ ներկայացված «Ընդդեմ Պողիկե» գրվածքը:
- դ) 1547 թ. Էջմիածնում Ստեփանոս Սալմաստեցի կաթողիկոսը հրավիրում է գաղտնի խորհրդակցություն, որտեղ որոշվում է պատվիրակություն ուղարկել Եվրոպա:
- ե) Հայոց կաթողիկոս Զաքարիա Չազեցու նախաձեռնությամբ 869 թ. հրավիրվեց նշանավոր հայ իշխանների հատուկ ժողով, որտեղ որոշվեց Աշոտ Բագրատունուն հռչակել հայոց թագավոր:
- զ) 1729-1731 թթ. թուրք զավթիչների դեմ պայքարում էր Զրաբերդի սղնախը, որի հրամանատարն էր Աբրահամ սպարապետը:
- է) 1991 թ. դեկտեմբերի 5-ին պաշտպանության առաջին նախարար նշանակվեց Վազգեն Մանուկյանը:

|  |  |  |
|--|--|--|
|  |  |  |
|--|--|--|

**12. Տեքմինների տրված բացատրություններից որո՞նք են ճիշտ** (յուրաքանչյուր ճիշտ պատասխան՝ 0,5 միավոր, ընդհանուր 1,5 միավոր):

- ա) Դոմինիոններն ունեին ներքին ինքնավարություն, սակայն արտաքին քաղաքականության ասպարեզում կախված էին մետրոպոլիայից:
- բ) Նիկիտա Խրուշչովի կողմից ձեռնարկված բարեփոխումները ստացան «վերակառուցում» անվանումը:
- գ) 1736 թ. Նադիրը Արցախը դարձնում է առանձին վարչական միավոր: Արցախի մելիքությունները սկսեցին անվանվել Խամսայի մելիքություններ:
- դ) Միջնադարյան հայ իրավական մտքի գլուխգործոցը Մխիթար Գոշի «Անտիոքի ասիզներ» աշխատությունն էր:
- ե) Հայաստանի ազատագրման Իսրայել Օրու ծրագիրը, որը ներկայացվում է Հովհան Վիլիելմին, հայտնի է «Պֆալցյան» անունով:
- զ) Տաթևում հրավիրված համազանգեզուրյան առաջին համագումարը Ինքնավար Սյունիքը հռչակեց Լեռնահայաստան:
- է) Հայաստանի առաջին Հանրապետության բարձրագույն օրենսդիր իշխանությունը մինիստրների խորհուրդն էր, հետագայում՝ նախարարների խորհուրդ:

|  |  |  |
|--|--|--|
|  |  |  |
|--|--|--|

**13. Նշվածներից որո՞նք են ճիշտ արտահայտում իրադարձությունների պատճառահետևանքային կապերը (յուրաքանչյուր ճիշտ պատասխան՝ 0,5 միավոր, ընդհանուր 1,5 միավոր):**

- ա. Խոսքով Կոտակը Դվին տեղափոխեց արքունի նստավայրը, քանզի Վաղարշապատն ավերվել էր ուժեղ երկրաշարժից:
- բ. Սմբատ Բագրատունին Նախճավան քաղաքի շուրջ ծագած վեճը լուծեց հոգուտ Սյունիքի, ինչից դժգոհ լինելով՝ Գագիկ Արծրունին սկսեց գործակցել Ատրպատականի ամիրա Յուսուֆի հետ:
- գ. Վահանանց պատերազմի հիմնական պատճառը դարձավ Վազգեն բդեշխի սպանությունը վրաց թագավորի կողմից:
- դ. Կաթողիկոսական Աթոռն Էջմիածին վերադարձնելու անհրաժեշտությունը դառնում է Հայ եկեղեցու շատ գործիչների մտահոգության առարկան, քանզի Կիլիկիայում թագավորական իշխանության վերացումից հետո այն մնաց անպաշտպան և, կտրված լինելով բուն Հայաստանից, չէր կարող լիարժեքորեն իրականացնել իր համահայկական դերակատարումը:
- ե. Երբ 1729 թ. մահացավ Գանձասարի կաթողիկոս Եսայի Հասան-Ջալալյանը, Արցախում ազատագրական պայքարը մարեց:
- զ. 1949 թ. Հյուսիսատլանտյան դաշինքի ստեղծումը և Թուրքիայի անդամակցումը այդ կազմակերպությանը ստիպեց Խորհրդային Միությանը հայտարարել, որ «ԽՍՀՄ-ը Թուրքիայից ոչ մի տարածքային պահանջ չունի»:
- է. Հայերի 748-750 թթ. հակաարաբական ապստամբության արդյունքում արաբները ստիպված եղան ճանաչել Բագրատունիների իշխանությունը Հայաստանում:

|  |  |  |
|--|--|--|
|  |  |  |
|--|--|--|

**Վերլուծական հարցեր**

**14. Լրացնե՛լ բացթողնված հատվածը (յուրաքանչյուրը 0,5 միավոր, ընդհանուր՝ 2,5 միավոր):**

1990 թ. օգոստոսի 4-ին Խորհրդային Հայաստանի նորընտիր Գերագույն Խորհուրդը որոշում է ընդունում անկախության հռչակագիր պատրաստելու վերաբերյալ: (1) -----  
----- (ե՞րբ) Գերագույն Խորհուրդը հաստատում է «Հռչակագրի Հայաստանի անկախության մասին» հիմնարար փաստաթուղթը: Հռչակագրի առաջին հոդվածով սահմանվում էր, որ Հայկական ԽՍՀ-ն վերանվանվում է (2) -----:  
Հայաստանում (3) ----- (ե՞րբ) անցկացվեց անկախության հանրաքվե: Անկախությանը կողմ քվեարկեց քվեարկության իրավունք ունեցողների (4) -----  
(քանի՞) տոկոսը: 1991 թ. հոկտեմբերի 16-ին Հայաստանում առաջին անգամ անցկացվեցին նախագահական այլընտրանքային ընտրություններ: Հանրապետության նախագահ ընտրվեց (5) ----- (ո՞վ):

15. Համապատասխանեցրե՛ք պայմանագրեր/համաձայնագրերը դրանց բովանդակության հետ (Յուրաքանչյուր ճիշտ պատասխան՝ 0,3 միավոր, ընդհանուր՝ 1,5 միավոր):

|   |   |   |   |   |
|---|---|---|---|---|
| 1 | 2 | 3 | 4 | 5 |
|   |   |   |   |   |

| Պայմանագիր                                                 | Բովանդակություն/հետևանք                                                                                                    |
|------------------------------------------------------------|----------------------------------------------------------------------------------------------------------------------------|
| 1. Սևրի պայմանագիր                                         | ա. Նախիջևանը անցնում էր Խորհրդային Ադրբեջանի խնամակալության տակ                                                            |
| 2. 1919 թ. հունվարյան հայ-վրացական հաշտության համաձայնագիր | բ. Հայաստանը հռչակվում էր խորհրդային սոցիալիստական անկախ հանրապետություն                                                   |
| 3. Բաթումի պայմանագիր                                      | գ. Լոռու «չեզոք գոտու» ձևավորումը                                                                                          |
| 4. 1920 թ. դեկտեմբերի 2-ին կնքված Երևանի համաձայնագիր      | դ. Առանձին հայկական կորպուսը վերակազմակորվում է դիվիզիայի                                                                  |
| 5. 1921 թ. Մոսկվայի պայմանագիր                             | ե. Թուրքիան Հայաստանը ճանաչում էր ազատ և անկախ պետություն և համաձայնվում ՀՀ-ին զիջել հայերի պատմական հայրենիքի զգալի մասը: |

16. Նշե՛ք հին հռոմեական քաղաքակրթության նշված ոլորտներում ունեցած 2-ական ձեռքբերում (յուրաքանչյուրը 0,25 միավոր, ընդհանուր՝ 1 միավոր):

| Ճարտարապետություն | Գիտություն (նաև ոլորտի գործիչ) |
|-------------------|--------------------------------|
| 1.                | 1.                             |
| 2.                | 2.                             |

17. Ճանաչի՛ր նկարը և ներկայացրո՛ւ իրադարձությունը (2,5 միավոր):



- (1) Ո՞ր իրադարձությանն է նվիրված լուսանկարը: Ովքե՞ր էին կազմակերպիչները:
- (2) Ե՞րբ և որտե՞ղ է այն տեղի ունեցել:
- (3) Ի՞նչ փոփոխություններ առաջացրեց (նշեք 2-ը):

**18. Աշխատանք սկզբնաղբյուրի հետ. կարդացե՛ք և պատասխանե՛ք ենթահարցերին.**

*«Հոդված 89. Թուրքիան և Հայաստանը, ինչպես և բարձր պայմանավորվող կողմերը, համաձայնում են Էրզրումի, Տրապիզոնի, Վանի և Բիթլիսի վիլայեթներում Թուրքիայի և Հայաստանի միջև սահմանագատումը թողնել Ամերիկայի Միացյալ Նահանգների որոշմանը և ընդունել ինչպես նրա որոշումը, նույնպես և այն բոլոր միջոցառումները, որոնք նա կարող է առաջարկել Հայաստանին դեպի ծով ելք տալու և հիշյալ սահմանագծին հարող օսմանյան բոլոր տերիտորիաների ապառազմականացման վերաբերյալ:*

*Հոդված 90. Այն դեպքում, երբ 89-րդ հոդվածի համաձայն սահմանագիծը որոշելիս հիշյալ վիլայեթների ամբողջ տերիտորիան կամ նրա մի մասը հանձնվի Հայաստանին, Թուրքիան այսօր արդեն հայտարարում է, որ որոշման օրից սկսած ինքը հրաժարվում հանձնված տերիտորիայի նկատմամբ բոլոր իրավունքներից և իրավահիմունքներից»:*

**1. Ո՞ր պայմանագրից են մեջբերված հոդվածները: Ե՞րբ է կնքվել այդ պայմանագիրը (օր, ամիս, տարի) (1 միավոր):**

**2. Ի՞նչ նշանակություն ուներ պայմանագիրը հայ ժողովրդի համար (նշե՛ք 2-ը) (1 միավոր):**

(1). \_\_\_\_\_

(2). \_\_\_\_\_

**3. Ինչո՞ւ չիրագործվեց պայմանագիրը (նշե՛ք 2 պատճառ) (1 միավոր):**

(1). \_\_\_\_\_

(2). \_\_\_\_\_

Պատմության օլիպիադայի  
Հանրապետական հանձնաժողովի նախագահ՝

պ.գ.թ. Գևորգ Կեսոյան  
02.02.2026 թ.